

**AMANDMANI
NA ZAKON O IZMJENAMA I DOPUNAMA ZAKONA O REGISTRACIJI
POSLOVNIH SUBJEKATA U FEDERACIJI BOSNE I HERCEGOVINE**

UPFBiH dostavlja Amandmane na predloženi tekst Zakona o izmjenama i dopunama Zakona o registraciji poslovnih subjekata u Federaciji Bosne i Hercegovine. Njihova rješenja idu u pravcu uspostavljanja novih vrsta registara, skraćanja vremena za registraciju, smanjenje troškova registracije, zaštite povjerilaca što je u skladu sa Direktivom EU (I. Direktiva 68/151/CEE).

Amandmani se odnose:

- Uvođenje hitnosti načela u postupku registracije;
- Uspostavu dva nova registra: Registra vlasnika poslovnih subjekata i Jedinstvenog registra poslovnih subjekata radi bržeg informisanja zainteresovanih lica;
- Presentacija registarskom sudu isprava kao što su konsolidovani bilans, podatke o povezanim licima, dokaz da se ne vodi stečajni i likvidacioni postupak kod registracije podružnice stranog društva;
- Presentaciju sudu dokaze o: vlasništvu nad ulogom u stvarima i pravima, prenosu prava vlasništva ili korištenja sa osnivača na društvo i procjenu vrijednosti uloga u naturi;
- Smanjenje troškova registracije, umjesto notarski obrađenih dokumenata (statut, osnivački akt). Amandmani predlažu notarski ovjerene dokumente i to je brže i jeftinije;
- Skraćanje rokova registracije u prvostepenom i drugostepenom odlučivanju.

Primjedba na član 4. osnovnog zakona.

Član 4 Načela registracije

(1) Postupak registracije poslovnih subjekata zasniva se na sljedećim načelima:

- 1) **obaveznosti** - svi poslovni subjekti definirani kao takvi ovim i drugim zakonima Federacije obavezni su, prije započinjanja poslovne djelatnosti koju namjeravaju obavljati, da se registriraju kod nadležnog registarskog suda;
- 2) **zakonitosti** - postupak registracije utvrđen je Okvirnim zakonom i ovim Zakonom;
- 3) **oficijelnosti** - nadležni registarski sud ne može odbiti uredno podnesenu i dokumentiranu prijavu a po prijemu prijave postupka po službenoj dužnosti;
- 4) **formalnosti** - registracijski obrasci imaju obaveznu pisanu formu čiji je sadržaj utvrđen ovim Zakonom;
- 5) **prioriteta** - nadležni registarski sud dužan je postupati po pojedinačnim zaprimljenim prijavama prema redoslijedu njihovog prijema;
- 6) **konstitutivnosti** - trenutkom upisa u registar faktičke Činjenice koje se odnose na subjekt upisa postaju pravne, odnosno momentom upisa u registar konstituiraju se određena prava kao i djelovanje registracije prema trećim licima;
- 7) **jednoobraznosti** - registracija poslovnih subjekata utvrđuje se jednoobrazno;
- 8) **javnosti** - svako može bez dokazivanja pravnog interesa izvršiti uvid u podatke upisane u glavnoj knjizi registra i javne podatke iz zbirke isprava registra, te zahtijevati da mu se izda izvod odnosno prijepisa javnih podataka iz glavne knjige registra, a jedino se zakonom propisuje kada je za uvid ili za pribavljanje izvoda iz zbirke isprava registra nužno dokazivanje pravnog interesa.

(2) Ostvarenje prava uvida u podatke glavne knjige registra koja se vodi u elektronskom obliku te davanje izvoda iz glavne knjige registra dužan je omogućiti svaki registarski sud, bez obzira na to da li je taj sud proveo postupak registracije poslovnog subjekta.

Amandman I

U članu 4. u stavu 1. dodaje se nova tačka 6. koja glasi:

„ 6) **hitnosti** – postupak registracije kod mjerodavnog suda treba da se okonča u rokovima utvrđenim ovim zakonom“.

Postojeće tačke 6, 7 i 8. postaju 7, 8 i 9.

Obrazloženje

Hitnost postupka registracije treba uvesti kao zakonsko načelo. Postojeći zakonski rokovi su neopravdano dugi jer traju u prosjeku 50 dana i njih treba radikalno skratiti (Amandmani XI, XII, XIII i IV)

Tako da nakon izmjena, navedeni član treba da glasi:

Član 4. Načela registracije

(1) Postupak registracije poslovnih subjekata zasniva se na sljedećim načelima:

- 1) obaveznosti - svi poslovni subjekti definirani kao takvi ovim i drugim zakonima Federacije obavezni su, prije započinjanja poslovne djelatnosti koju namjeravaju obavljati, da se registriraju kod nadležnog registarskog suda;
- 2) zakonitosti - postupak registracije utvrđen je Okvirnim zakonom i ovim Zakonom;
- 3) oficijelnosti - nadležni registarski sud ne može odbiti uredno podnesenu i dokumentiranu prijavu a po prijemu prijave postupka po službenoj dužnosti;
- 4) formalnosti - registracijski obrasci imaju obaveznu pisanu formu čiji je sadržaj utvrđen ovim Zakonom;
- 5) prioriteta - nadležni registarski sud dužan je postupati po pojedinačnim zaprimljenim prijavama prema redoslijedu njihovog prijema;
- 6) hitnosti – postupak registracije kod mjerodavnog suda treba da se okonča u rokovima utvrđenim ovim zakonom
- 7) konstitutivnosti - trenutkom upisa u registar faktičke činjenice koje se odnose na subjekt upisa postaju pravne, odnosno momentom upisa u registar konstituiraju se određena prava kao i djelovanje registracije prema trećim licima;
- 8) jednoobraznosti - registracija poslovnih subjekata utvrđuje se jednoobrazno;
- 9) javnosti - svako može bez dokazivanja pravnog interesa izvršiti uvid u podatke upisane u glavnoj knjizi registra i javne podatke iz zbirke isprava registra, te zahtijevati da mu se izda izvod odnosno prijepisa javnih podataka iz glavne knjige registra, a jedino se zakonom propisuje kada je za uvid ili za pribavljanje izvoda iz zbirke isprava registra nužno dokazivanje pravnog interesa.

(2) Ostvarenje prava uvida u podatke glavne knjige registra koja se vodi u elektronskom obliku te davanje izvoda iz glavne knjige registra dužan je omogućiti svaki registarski sud, bez obzira na to da li je taj sud proveo postupak registracije poslovnog subjekta.

Amandman II

Poslije člana 5. dodaje se član 5a koji glasi:

Član 5a „Registar vlasnika poslovnih subjekata

(1) Federalno ministarstvo pravde vodi jedinstven registar fizičkih i pravnih lica koja učestvuju najmanje sa 5 % i više u osnovnom kapitalu registrovanog poslovnog subjekta, bilo da su osnivači ili su kasnije pristupila, uključujući i lica čije je članstvo u poslovnom subjektu prestalo - Jedinstveni personalni registar).

(2) Jedinstveni personalni registar se vodi za Federaciju Bosne i Hercegovine.

Fizička i pravna lica iz stava 1. ovog člana upisuju se po abecednom redu.

- (3) Jedinštveni personalni registar sadrži, naročito:
- 1) ime i prezime fizičkog lica, njegovo boravište odnosno prebivalište i JMB koje je osnivač ili je kasnije pristupilo;
 - 2) puni naziv firme, sjedište i oblik organizovanja pravnog lica i MBS koje je osnivač ili je kasnije pristupilo;
 - 3) podatke iz tačke 1. i 2. za lice čije je članstvo prestalo;
 - 4) puni naziv firme, sjedište, oblik organizovanja poslovnog subjekta i MSB u kome lice iz tačke 1. i 2. ovog stava ima učešće

(4) Kada mjerodavni registarski sud izda rješenje o registraciji poslovnog subjekta odmah dostavlja Federalnom ministarstvu pravde rješenje o registraciju i Listu sa podacima iz stava 3. ovog člana, a za postojeće poslovne subjekte najkasnije u roku od 90 dana od ustrojstva Jedinštvenog personalnog registra.

(5) Podaci iz Javnog personalnog registra su javni. Svako može bez dokazivanja pravnog interesa izvršiti uvid u podatke ili zahtijevati da mu se izda prepisanih podataka.

(6) Ministarstvo pravde će Jedinštveni personalni registar ustrojiti najkasnije 90 dana po objavljivanju ovog Zakona u Službenim novinama Federacije Bosne i Hercegovine.“

Obrazloženje

Zajedničko obrazloženje za amandmane II i III dato poslije amandmana III.

Amandman III

Poslije člana 5a dodaje se novi član 5b koji glasi:

Član 5.b

„ Jedinštveni registar poslovnih subjekata

- (1) Federalno ministarstvo pravde vodi jedinstveni registar poslovnih subjekata, odnosno pravnih lica čiji je upis obavezan prema ovom Zakonu.
- (2) Jedinštveni registar poslovnih subjekata vodi se za Federaciju Bosne i Hercegovine.
- (3) Jedinštveni registar poslovnih subjekata sadrži naročito:

- 1) puni naziv firme, sjedište, oblik organizovanja poslovnog subjekta i MBS;
- 2) ime i prezime fizičkog lica, njegovo boravište odnosno prebivalište i JMB koje je osnivač ili je kasnije pristupilo;
- 3) podatke iz tačke 1. i 2. za lice čije je članstvo prestalo.

(4) Na ostala pitanja vezana za Jedinствени registar poslovnih subjekata primjenju se odredbe iz prethodnog člana ovog Zakona“

Образлоženje

Cilj predlagača ovih amandmana jeste uspostava dva nova registra: Jedinственог personalnog registra vlasnika poslovnih subjekata i Jedinственог registra poslovnih subjekata. Vode se na nivou Federacije BiH od strane organa uprava, Federalnog ministarstva pravde. Inače, to može biti i druga institucija koja djeluje na nivou Federacije. Objedinjuju se podaci dostavljeni od registraskih sudova ustrojene po abecednom redu. Sada su ti podaci „rasuti“ po registrima sudova.

U Jedinствени personalni registar upisuju se pravna i fizička lica za cijelu F BiH i to ona koja učestvuju u osnovnom kapitalu poslovnih subjekata najmanje 5 % i više jer, prema ZPD, mogu predlagati pitanja i odluke za skupštinu, izmjene dnevnog reda i prijedloga odluka, predlagati kandidate za članove nadzornog odbora (čl. 228, 249). Jedinствен registar poslovnih subjekata treba, iz jednog registra, da pruži informacije investitorima koje su potpunije od onih koje vodi statistika. To je značajno kod ocjene: u kojim privrednim subjektima određeno lice ima učešće, veličina učešća i stepen uticaja, postojanje konflikta interesa, postojanje ličnih interesa.

Realizacija ova dva amandmana zahtijeva dodatni rad registarskih sudova, a za Ministarstvo pravde predstavlja novu vrstu poslova.

Primjedba na član 2. predloženih Izmjena i dopuna Zakona

Član 2.

Iza člana 15. dodaje se novi član 15a. koji glasi:

„Član 15a.

Registracija podružnice stranog društva

- (1) Podaci koji se upisuju u registar u slučaju registracije podružnice stranog društva su:
- 1) firma, sjedište i oblik osnivača, te firma i sjedište podružnice stranog društva;
 - 2) MBS i poreski identifikacioni broj;

3) naziv registra u kojem je upisan osnivač, uz podatak u kojoj se državi vodi, datum upisa i broj pod kojim se vodi, a ako je osnovan u zemlji u kojoj se ne upisuje u takav registar, naziv javno ovjerene isprave o osnivanju po propisima zemlje u kojoj osnivač ima sjedište;

4) djelatnost osnivača i djelatnost podružnice subjekta upisa;

5) naziv, broj i datum akta o osnivanju podružnice osnivača;

6) ime i prezime lica ovlaštenog za zastupanje podružnice, i obim njegove ovlasti;

7) visina osnovnog kapitala i iznos uplaćenih uloga, ime i prezime lica koje lično odgovaraju za obaveze društva, i njihovo prebivalište.

(2) Podružnica stranog društva upisuje se u registar suda na čijem području je sjedište podružnice.

(3) Rješenje o registraciji podružnice stranog društva, registarski sud dostavlja Poreznoj upravi Federacije Bosne i Hercegovine, Ministarstvu vanjske trgovine i ekonomskih odnosa Bosne i Hercegovine i Ministarstvu bezbjednosti Bosne i Hercegovine - Odsjek za strance, ukoliko je zastupnik strani državljanin.“

Amandman IV

U predloženom članu 15 a) u tački 7) poslije riječi „uplaćenih“ dodaju se riječi „, odnosno unesenih “ a dalji tekst ostaje nepromijenjen

U istom članu u stavu 1. dodaju se nove tačke 8. i 9. koje glase:

8) konsolidovan bilans društva, u zemlji i inostranstvu čiji osnivač ili suvlasnik sa kapitalom od najmanje 5% posjeduje u posljednje 3. godine, odnosno od dana osnivanja, ako su osnovana kasnije;

9) potvrdu ovlaštenog suda da nije pokrenut stečajni ili likvidacioni postupak.

Obrazloženje

Prema ZPD ulози mogu biti u novcu, stvarima i pravima. Ulozi u novcu se uplaćuju, a ulози u stvarima i pravima se unose i izražavaju u novcu (čl. 45. ZPD). Rješenja koja su predložena ovim amandmanom usmjerena su u pravcu da se spriječe manipulacije osnivača kompanije u sprezi sa sestrinskim firmama u okviru grupacije. Stoga je potrebno da se prezentira konsolidovani bilans društva kada je osnivač vlasnik ili suvlasnik sa kapitalom od najmanje 5% u posljednje tri godine odnosno od datuma osnivanja ako su kasnije osnovana. Potrebna je, dakle, relevantna informacija (konsolidovani bilans) o odnosima kapitalno povezanih firmi koju povjeriоvci moraju imati. Istovremeno je potrebno prezentirati dokaz suda da na osnivaču (društву) nije pokrenut stečajni ili likvidacioni postupak. U protivnom, može se desiti da se na tržištu zasnivaju obaveze iako je firma osnivač u postupku stečaja ili likvidacije što bi moglo ugroziti pravnu sigurnost na tržištu i oštećenje povjerilaca.

Tako da nakon izmjena, navedeni član treba da glasi:

Član 15a.

Registracija podružnice stranog društva

(1) Podaci koji se upisuju u registar u slučaju registracije podružnice stranog društva su:

- 1) firma, sjedište i oblik osnivača, te firma i sjedište podružnice stranog društva;
- 2) MBS i poreski identifikacioni broj;
- 3) naziv registra u kojem je upisan osnivač, uz podatak u kojoj se državi vodi, datum upisa i broj pod kojim se vodi, a ako je osnovan u zemlji u kojoj se ne upisuje u takav registar, naziv javno ovjerene isprave o osnivanju po propisima zemlje u kojoj osnivač ima sjedište;
- 4) djelatnost osnivača i djelatnost podružnice subjekta upisa;
- 5) naziv, broj i datum akta o osnivanju podružnice osnivača;
- 6) ime i prezime lica ovlaštenog za zastupanje podružnice, i obim njegove ovlasti;
- 7) visina osnovnog kapitala i iznos uplaćenih odnosno unesenih uloga, ime i prezime lica koje lično odgovaraju za obaveze društva, i njihovo prebivalište;
- 8) konsolidovan bilans društva za 3. godine
- 9) potvrdu ovlaštenog osnivača da nije pokrenut stečajni ili likvidacioni postupak.

(2) Podružnica stranog društva upisuje se u registar suda na čijem području je sjedište podružnice.

(3) Rješenje o registraciji podružnice stranog društva, registarski sud dostavlja Poreznoj upravi Federacije Bosne i Hercegovine, Ministarstvu vanjske trgovine i ekonomskih odnosa Bosne i Hercegovine i Ministarstvu bezbjednosti Bosne i Hercegovine - Odsjek za strance, ukoliko je zastupnik strani državljanin.“

Primjedba na član 16. osnovnog Zakona.

Član 16.

Supsidijarna društva

Prilikom registracije supsidijarnog društva u registru, odnosno glavnoj knjizi registra, izvodima i rješenju o registraciji većinskog društva, nadležni registarski sud će upisati vezu upisom MBS supsidijarnog društva uz podatke većinskog društva, odnosno upisom MBS većinskog društva uz podatke supsidijarnog društva.

Amandman V

U članu 16. u naslovu, umjesto riječi „Supsidijarna društva“ treba da stoji „Zavisna društva“.

U tekstu istog člana, na tri mjesta, umjesto riječi „supsidijarnog“ treba da stoji riječ „zavisnog“ a ostale riječi su nepromijenjene.

Obrazloženje

Prijedlog ZPD (čl. 51, 52, 54, 55, 57) koristi pojam zavisno društvo umjesto ranijeg pojma supsidijarno društvo. Terminologiju ovog zakona treba uskladiti sa ZPD.

Tako da nakon izmjena, navedeni član treba da glasi:

Član 16. Zavisna društva

Prilikom registracije zavisnog društva u registru, odnosno glavnoj knjizi registra, izvodima i rješenju o registraciji većinskog društva, nadležni registarski sud će upisati vezu upisom MBS zavisnog društva uz podatke većinskog društva, odnosno upisom MBS većinskog društva uz podatke zavisnog društva.

Primjedba na član 4. predloženih izmjena i dopuna:

Član 4.

Član 22. mijenja se i glasi:

„Član 22.

Registarske isprave

(1) Za potrebe utvrđivanja i provjere općih i posebnih podataka koji se prilikom osnivanja poslovnog subjekta ili izmjena podataka od značaja za pravni promet obavezno unose u registar, u zavisnosti od predmeta upisa, registarski sud zahtijevat će podnošenje sljedećih isprava:

- 1) ovjereni potpis lica ovlaštenog za zastupanje na obrascu prijave za registraciju predviđenom za sud u štampanom obliku;
- 2) notarski obrađeni akt o osnivanju ili akt o izmjenama općih podataka od značaja za pravni promet već osnovanog, odnosno registriranog subjekta upisa kojim se utvrđuje osnivanje, odnosno izmjena bitnih podataka;
- 3) notarski utvrđen statut poslovnog subjekta;
- 4) odluku o imenovanju lica ovlaštenog za zastupanje u unutrašnjem i vanjskotrgovinskom prometu, ako nije imenovana aktom o osnivanju;
- 5) potvrdu banke o izvršenoj uplati na privremeni račun deponovanih novčanih uloga kojom se utvrđuje visina uplaćenog kapitala u novcu;
- 6) dokaz o sredstvima osiguranja za neuplaćeni iznos novčanog dijela osnivačkog uloga kod jednočlanog društva kapitala;

- 7) izvod iz odgovarajućeg javnog registra kojim se dokazuje vlasništvo nad ulogom u stvarima i pravima, odnosno prijava za odgovarajući javni registar, i nalaz ovlaštenoga sudskog vještaka kojim se utvrđuje vrijednost uloga u stvarima i pravima;
 - 8) odgovarajuće odobrenje Komisije za vrijednosne papire Federacije Bosne i Hercegovine (u daljem tekstu: Komisija za vrijednosne papire) i Registra vrijednosnih papira Federacije Bosne i Hercegovine (u daljem tekstu: Registar vrijednosnih papira), ukoliko je to propisano posebnim zakonom;
 - 9) dokaz o sredstvima osiguranja za neuneseni dio nenovčanoga uloga kod jednočlanog društva kapitala;
 - 10) odobrenje nadležnog organa u skladu sa članom 46. ovoga Zakona.
- (2) Odredbe stava 1. tačke 1) ovoga člana primjenjuju se kod upisa osnivanja svih oblika privrednih društava, kao i kod upisa promjene podataka koji se tim ispravama dokazuju, osim ako je njihova primjena izričito isključena ovim zakonom.

Amandman VI

U članu 22. stavu 1. tačka 2. umjesto riječi „notarski obrađeni akt“ treba da stoji „notarski ovjeren akt“, ostali tekst nepromijenjen.

U istom članu stav 1. tačka 3. se mijenja i treba da glasi:

„ 3) notarski ovjeren statut poslovnog subjekta;“

U istom članu stavu 1. tačka 7. se mijenja i glasi:

„ 7) kod uloga u stvarima i pravima:

- a) izvadak iz odgovarajućeg javnog registra kojim se dokazuje vlasništvo nad ulogom u stvarima i pravima, odnosno prijava za odgovarajući javni registar;
- b) notarski ovjeren dokaz o prenosu prava vlasništva ili korištenja na ulogu u stvarima i pravima sa osnivača na društvo;
- c) nalaz ovlaštenog sudskog vještaka ili revizorske kuće kojim je utvrđena vrijednost uloga u stvarima i pravima“.

U istom članu stavu 1. tačka 9. se briše u cjelini..

Obrazloženje

Obaveza notarski obrađenih dokumenata (akta o osnivanju i statuta, kao i njihovih izmjena) predstavlja primjer parafiskalnih nameta poslovnim subjektima, koji su po tarifi visoki, a u praksi česti. Notarski obrađena isprava znači da je u cijelosti sačinjena od notara. Umjesto toga predlaže se „notarska ovjera“ tih akata što je jedno stavnije, brže i jeftinije. Isprava o ovjeri sadrži svjedočenje notara, njegov potpis, pečat, mjesto i datum izdavanja (Zakon o notarima, čl. 92). Tako je i u zemljama okruženja (Hrvatska, Slovenija, Srbija, Makedonija, Crna Gora).

Za uloge u stvarima i pravima nije samo dovoljan dokaz da je ulagač vlasnik. Pot

reban je i dokaz o prenosu prava vlasništva ili korištenja na predmetu uloga kako bi društvo sa njima slobodno raspolagalo. Prema Prijedlogu zakona slijedi da se ulog u stvarima i pravima ne mora nikada unijeti jer se kod registracije ne traži prezentacija odgovarajućeg dokaza.

Procjene uloga u stvarima i pravima, pored sudskih vještaka, predlažemo da mogu davati i revizorske kuće.

Tačku 9. treba brisati jer je protivna ZPD (čl. 45. stav 2) koji propisuje da se ulog u stvarima i pravima, nenovčani dio, unosi u cijelosti prije upisa društva u registar. S toga nema uopšte potrebe o dokazima obezbjeđenja za taj dio uloga kod jedno članog društva jer važi isti pravni režim za sve tipove društava.

Tako da nakon izmjena, navedeni član treba da glasi:

„Član 22. Registarske isprave

(1) Za potrebe utvrđivanja i provjere općih i posebnih podataka koji se prilikom osnivanja poslovnog subjekta ili izmjena podataka od značaja za pravni promet obavezno unose u registar, u zavisnosti od predmeta upisa, registarski sud zahtijevat će podnošenje sljedećih isprava:

- 1) ovjereni potpis lica ovlaštenog za zastupanje na obrascu prijave za registraciju predviđenom za sud u štampanom obliku;
- 2) notarski obrađeni akt o osnivanju ili akt o izmjenama općih podataka od značaja za pravni promet već osnovanog, odnosno registriranog subjekta upisa kojim se utvrđuje osnivanje, odnosno izmjena bitnih podataka;
- 3) notarski ovjeren statut poslovnoga subjekta;
- 4) odluku o imenovanju lica ovlaštenog za zastupanje u unutrašnjem i vanjskotrgovinskom prometu, ako nije imenovana aktom o osnivanju;
- 5) potvrdu banke o izvršenoj uplati na privremeni račun deponovanih novčanih uloga kojom se utvrđuje visina uplaćenog kapitala u novcu;
- 6) dokaz o sredstvima osiguranja za neuplaćeni iznos novčanog dijela osnivačkog uloga kod jednočlanog društva kapitala;
- 7) izvod iz odgovarajućeg javnog registra kojim se dokazuje vlasništvo nad ulogom u stvarima i pravima, odnosno prijava za odgovarajući javni registar, i nalaz ovlaštenoga sudskog vještaka kojim se utvrđuje vrijednost uloga u stvarima i pravima;
- 8) odgovarajuće odobrenje Komisije za vrijednosne papire Federacije Bosne i Hercegovine (u daljem tekstu: Komisija za vrijednosne papire) i Registra vrijednosnih papira Federacije Bosne i Hercegovine (u daljem tekstu: Registar vrijednosnih papira), ukoliko je to propisano posebnim zakonom;
- 9) odobrenje nadležnog organa u skladu sa članom 46. ovoga Zakona.

(2) Odredbe stava 1. tačke 1) ovoga člana primjenjuju se kod upisa osnivanja svih oblika privrednih društava, kao i kod upisa promjene podataka koji se tim ispravama dokazuju, osim ako je njihova primjena izričito isključena ovim zakonom

Primjedba na član 5. predloženih izmjena i dopuna

Član 5.

U članu 23. stav 1. mijenja se i glasi:

„(1) Uz prijavu za upis osnivanja dioničkog društva pored ostalih, podnose se i sljedeće isprave:

- 1) isprave propisane članom 22. stav 1. tačka 1) ovog zakona;
- 2) notarski obrađen akt o osnivanju;
- 3) notarski utvrđen statut;
- 4) odobrenje nadležnih organa iz člana 22. stav 1. tačka 8) ovog zakona, ako je posebnim propisom predviđeno;
- 5) isprave propisane članom 22. stav 1. tačka 9) ovog zakona;
- 6) potvrda banke o uplati osnivačkog kapitala u novcu, odnosno dokaz o novčanoj vrijednosti stvari i prava unesenih u društvo;
- 7) odluka o imenovanju lica ovlaštenog za zastupanje, ako nije imenovano aktom o osnivanju;
- 8) ovjeren potpis lica ovlaštenog za zastupanje.“

Amandman VII

U članu 23. stav 1. tačka 2. treba da glasi:

„ 2) notarski ovjeren akt o osnivanju društva;“

U istom članu tačka 3. treba da glasi:

„ 3) notarski ovjeren statut društva;“

U istom članu tačka 5. se briše.

Obrazloženje

Razlozi za ovakve prijedloge sadržani su u obrazloženju Amandmana VI.

Tako da nakon izmjena, navedeni član treba da glasi:

Član 5.

U članu 23. stav 1. mijenja se i glasi:

„(1) Uz prijavu za upis osnivanja dioničkog društva pored ostalih, podnose se i sljedeće isprave:

- 1) isprave propisane članom 22. stav 1. tačka 1) ovog zakona;
- 2) notarski ovjeren akt o osnivanju društva;
- 3) notarski ovjeren statut društva;

- 4) odobrenje nadležnih organa iz člana 22. stav 1. tačka 8) ovog zakona, ako je posebnim propisom predviđeno;
- 6) potvrda banke o uplati osnivačkog kapitala u novcu, odnosno dokaz o novčanoj vrijednosti stvari i prava unesenih u društvo;
- 7) odluka o imenovanju lica ovlaštenog za zastupanje, ako nije imenovano aktom o osnivanju;
- 8) ovjeren potpis lica ovlaštenog za zastupanje.“

Primjedba na član 6. predloženih izmjena i dopuna

Član 6.

U članu 24. stav 1. mijenja se i glasi:

„(1) Uz prijavu za upis u registar osnivanja banke ili druge finansijske organizacije pored ostalih, podnose se i slijedeće isprave:

- 1) isprave propisane članom 22. stav 1. tačka 1) ovog zakona;
- 2) notarski obrađen akt o osnivanju banke;
- 3) notarski utvrđen statut banke;
- 4) rješenje Agencije za bankarstvo Federacije Bosne i Hercegovine (u daljem tekstu: Agencija za bankarstvo) o izdavanju dozvole za rad kao i saglasnost na akt o osnivanju i statut, odnosno isprave predviđene drugim zakonima Federacije;
- 5) dokaz da su uplaćena novčana sredstva na privremeni račun kod banke;
- 6) akt o imenovanju direktora ili vršioca dužnosti direktora;
- 7) ovjeren potpis lica ovlaštenog za zastupanje;
- 8) dokaz da su osnivači banke sredstva u nenovčanom obliku stavila na raspolaganje banci.

Amandman VIII

U članu 24. stavu 1. tačka 2. treba da glasi:

„ 2) notarski ovjeren akt o osnivanju društva;“

U istom članu tačka 3. treba da glasi:

„ 3) notarski ovjeren statut društva;“

U istom članu tačka 8. treba da glasi:

„ 8) notarski ovjeren dokaz da su osnivači banke na ulozima u stvarima i pravima prenijeli pravo vlasništva ili korištenja na banku“.

Obrazloženje

Razlozi za ovakav prijedlog sadržani su u obrazloženju Amandmana IV.

Tako da nakon izmjena, navedeni član treba da glasi:

Član 6.

U članu 24. stav 1. mijenja se i glasi:

„(1) Uz prijavu za upis u registar osnivanja banke ili druge finansijske organizacije pored ostalih, podnose se i slijedeće isprave:

- 1) isprave propisane članom 22. stav 1. tačka 1) ovog zakona;
- 2) notarski ovjeren akt o osnivanju društva;
- 3) notarski ovjeren statut društva;
- 4) rješenje Agencije za bankarstvo Federacije Bosne i Hercegovine (u daljem tekstu: Agencija za bankarstvo) o izdavanju dozvole za rad kao i saglasnost na akt o osnivanju i statut, odnosno isprave predviđene drugim zakonima Federacije;
- 5) dokaz da su uplaćena novčana sredstva na privremeni račun kod banke;
- 6) akt o imenovanju direktora ili vršioca dužnosti direktora;
- 7) ovjeren potpis lica ovlaštenog za zastupanje;
- 8) notarski ovjeren dokaz da su osnivači banke na ulozima u stvarima i pravima prenijeli pravo vlasništva ili korištenja na banku.“

Primjedbe na član 7. predloženih Izmjena i dopuna.

Član 7.

U članu 25. stav 1. mijenja se i glasi:

„(1) Uz prijavu za upis u sudski registar osnivanja dioničkog društva za osiguranje prilažu se:

- 1) isprave propisane članom 22. stav 1. tačka. 1) ovog zakona;
- 2) notarski obrađen akt o osnivanju;
- 3) notarski utvrđen statut društva;
- 4) dozvola nadležnog organa za rad društva, odnosno druge isprave propisane drugim zakonom Federacije;
- 5) akt o imenovanju direktora ili vršioca dužnosti direktora;
- 6) ovjeren potpis lica ovlaštenog za zastupanje;
- 7) dokaz o deponovanim novčanim sredstvima na privremeni račun;
- 8) dokaz o ulozima u stvarima i pravima.“

Član 25. u osnovnom tekst Zakona glasi:

Isprave potrebne za upis osnivanja dioničkog društva za osiguranje

(1) Uz prijavu za upis u sudski registar osnivanja dioničkog društva za osiguranje prilažu se:

- 1) isprave utvrđene odredbom člana 22. stav (1) tač. 1), 2) i 3) ovog Zakona;
- 2) akt o osnivanju;
- 3) statut društva;
- 4) dozvola nadležnog organa za rad društva, odnosno druge isprave utvrđene drugim zakonom Federacije;
- 5) akt o imenovanju direktora ili vršioca dužnosti direktora;
- 6) ovjeren potpis lica ovlaštenog za zastupanje;

- 7) dokaz o deponovanim novčanim sredstvima na privremeni račun; i
- 8) dokaz o ulozima u stvarima i pravima.

(2) Na upis u registar podružnice ili poslovne jedinice dioničkog društva za osiguranje shodno se primjenjuju odredbe člana 15. ovog Zakona.

(3) Uz prijavu za upis u registar osnivanja društva za uzajamno osiguranje shodno se primjenjuju odredbe stava (1) ovog člana.

(4) Uz prijavu za upis u registar osnivanja agencije za poslove pružanja drugih usluga u osiguranju prilažu se isprave koje se odnose na upis dioničkog, odnosno društva sa ograničenom odgovornošću, kao i dozvola nadležnog organa za rad te agencije.

Amandman IX

U članu 25. stavu 1. tačka 2. treba da glasi:

„ 2) notarski ovjeren akt o osnivanju društva;“

U istom članu tačka 3. treba da glasi:

„ 3) notarski ovjeren statut društva;“

U istom članu tačka 8. treba da glasi:

„ 8) notarski ovjeren dokaz da su osnivači osiguravajućeg društva na ulozima u stvarima i pravima prenijeli pravo vlasništva ili korištenja na društvo;“

U istom članu stavu 2. brišu se riječi „ ili poslovne jedinice“

U istom članu iza stava 3. dodaje se novi, kao 4. stav koji glasi:

„ Uz prijavu za upis u registar osnivanje društva za reosiguranje primjenjuju se odredbe iz stava 1. ovog člana“, a dosadašnji stav 4. postaje stav 5.

Obrazloženje

Razlozi za ovakav stav sadržani su u obrazloženju Amandmana IV. Nadalje, potrebnog je brisati naziv poslovna jedinica. Regulirati registraciju društva za reosiguranje.

Tako da nakon izmjena član 7. treba da glasi:

Član 7.

“(1) Uz prijavu za upis u sudski registar osnivanja dioničkog društva za osiguranje prilažu se:

- 1) isprave propisane članom 22. stav 1. tačka. 1) ovog zakona;
- 2) notarski ovjeren akt o osnivanju društva;

- 3) notarski ovjeren statut društva;
- 4) dozvola nadležnog organa za rad društva, odnosno druge isprave propisane drugim zakonom Federacije;
- 5) akt o imenovanju direktora ili vršioca dužnosti direktora;
- 6) ovjeren potpis lica ovlaštenog za zastupanje;
- 7) dokaz o deponovanim novčanim sredstvima na privremeni račun;
- 8) notarski ovjeren dokaz da su osnivači osiguravajućeg društva na ulozima u stvarima i pravima prenijeli pravo vlasništva ili korištenja na društvo.“

(2) Na upis u registar podružnice dioničkog društva za osiguranje shodno se primjenjuju odredbe člana 15. ovog Zakona.

(3) Uz prijavu za upis u registar osnivanja društva za uzajamno osiguranje shodno se primjenjuju odredbe stava (1) ovog člana.

(4) Uz prijavu za upis u registar osnivanje društva za reosiguranje primjenjuju se odredbe iz stava 1. ovog člana

(5) Uz prijavu za upis u registar osnivanja agencije za poslove pružanja drugih usluga u osiguranju prilažu se isprave koje se odnose na upis dioničkog, odnosno društva sa ograničenom odgovornošću, kao i dozvola nadležnog organa za rad te agencije.

Primjedbe na član 8. predloženih izmjena i dopuna

Član 8.

U članu 26. stav 1. mijenja se i glasi:

„(1) Uz prijavu za upis u registar osnivanja društva sa ograničenom odgovornošću prilažu se sljedeće isprave:

- 1) isprave propisane članom 22. stav 1. tačka. 1) ovog zakona;
- 2) notarski obrađen akt o osnivanju;
- 3) potvrda banke o izvršenoj uplati kapitala u novcu odnosno dokaz o novčanoj vrijednosti stvari i prava unesenih u društvo;
- 4) odluka o imenovanju lica ovlaštenog za zastupanje ukoliko nije imenovano aktom o osnivanju;
- 5) ovjeren potpis lica ovlaštenog za zastupanje.“

Član 26. osnovnog Zakona glasi:

Isprave potrebne za upis osnivanja društva sa ograničenom odgovornošću

(1) Uz prijavu za upis u registar osnivanja društva sa ograničenom odgovornošću prilažu se sljedeće isprave:

- 1) isprave utvrčene članom 22. stav (1) tač. 1), 2) i 3) ovog Zakona;
- 2) akt o osnivanju;
- 3) potvrda banke o izvršenoj uplati kapitala u novcu odnosno dokaz o novčanoj vrijednosti stvari i prava unesenih u društvo;
- 4) odluka o imenovanju lica ovlaštenog za zastupanje ukoliko nije imenovano aktom o osnivanju;
- 5) ovjeren potpis lica ovlaštenog za zastupanje.

(2) Uz prijavu za upis u registar osnivanja jednočlanog društva sa ograničenom odgovornošću prilaže se, uz isprave iz stava (1) ovog člana, i dokaz o sredstvima osiguranja za neuplaćeni iznos novčanog dijela osnivačkog uloga, odnosno za vrijednost neunesenog nenovčanog udjela.

Amandman X

U članu 26. stavu 1. tačka 2. treba da glasi:

„ 2) notarski ovjeren akt o osnivanju društva;“

U istom članu tačka 3. treba da glasi:

„ 3) potvrda banke o izvršenoj uplati kapitala u novcu; „

U istom članu dodaje se nova kao 4. tačka koja glasi:

„ 4) notarski ovjeren dokaz da su osnivači na ulozima u stvarima i pravima prenijeli pravo vlasništva ili korištenja na društvo kao i dokaz o novčanoj vrijednosti stvari i prava unesenih u društvo;“

Dosadašnje tačke 4. i 5. postaju tačke 5. i 6.

U istom članu stav 2. briše se.

Obrazloženje

Razlozi za ovakav stav sadržani su u obrazloženju Amandmana IV. Moraju se priložiti notarski ovjereni dokazi o:

- a) prenosu prava na ulazima u naturi i
- b) vrijednosti unesenih stvari i prava

Tako da nakon izmjena član 8. treba da glasi:

Član 8.

Član 26. mijenja se i glasi:

„(1) Uz prijavu za upis u registar osnivanja društva sa ograničenom odgovornošću prilažu se sljedeće isprave:

- 1) isprave propisane članom 22. stav 1. tačka. 1) ovog zakona;
- 2) notarski ovjeren akt o osnivanju društva;
- 3) potvrda banke o izvršenoj uplati kapitala u novcu;
- 4) notarski ovjeren dokaz da su osnivači na ulozima u stvarima i pravima prenijeli pravo vlasništva ili korištenja na društvo kao i dokaz o novčanoj vrijednosti stvari i prava unesenih u društvo

- 5) odluka o imenovanju lica ovlaštenog za zastupanje ukoliko nije imenovano aktom o osnivanju;
- 6) ovjeren potpis lica ovlaštenog za zastupanje

Primjedba na član 27. osnovnog Zakona.

Isprave potrebne za upis osnivanja društva sa neograničenom solidarnom odgovornošću i komanditnog društva

Uz prijavu za upis u registar osnivanja društva sa neograničenom solidarnom odgovornošću i komanditnog društva prilažu se sljedeće isprave:

- 1) akt o osnivanju;
- 2) potvrda banke o uplati novčanog uloga na privremeni račun, odnosno dokaz o tome da su stvari i prava stavljeni na raspolaganje društvu ukoliko je predviđena uplata novca, odnosno unošenje stvari i prava u društvo aktom o osnivanju; i
- 3) ovjeren potpis lica ovlaštenog za zastupanje.

Amandman XI

U članu 27. tačka 1. treba da glasi:

„ 1) notarski ovjeren akt o osnivanju društva; „

U istom članu dodaje se novi stav 2. koji glasi:

„ (2) Uz prijavu za upis u registar transformaciju komanditnog društva u komanditno društva na dionice shodno se primjenjuju odredbe iz stava (1) ovoga člana i odredbe koje važe za dioničko društvo;“

Obrazloženje

Razlozi za ovakav stav sadržani su u obrazloženju Amandmana IV. Drugi stav reguliše upis komanditnog društva na dionice koje je, inače, dvojne naravi.

Tako da nakon izmjena član 27. treba da glasi:

Isprave potrebne za upis osnivanja društva sa neograničenom solidarnom odgovornošću i komanditnog društva

Uz prijavu za upis u registar osnivanja društva sa neograničenom solidarnom odgovornošću i komanditnog društva prilažu se sljedeće isprave:

- 1) notarski ovjeren akt o osnivanju društva;

- 2) potvrda banke o uplati novčanog uloga na privremeni račun, odnosno dokaz o tome da su stvari i prava stavljani na raspolaganje društvu ukoliko je predviđena uplata novca, odnosno unošenje stvari i prava u društvo aktom o osnivanju; i
- 3) ovjeren potpis lica ovlaštenog za zastupanje.

Uz prijavu za upis u registar transformaciju komanditnog društva u komanditno društvo na dionice shodno se primjenjuju odredbe iz stava (1) ovoga člana i odredbe koje važe za dioničko društvo

Primjedbe na član 11., 12., 15., 16. i 17. predloženih Izmjena i dopuna:

Član 11:

U članu 30. riječi: "notarski obrađena" brišu se.

Član 12.

U članu 31. stav 1. mijenja se i glasi:

„(1) Uz prijavu za upis u registar osnivanja zadruge prilažu se:

- 1) akt o osnivanju;
- 2) zadružna pravila;
- 3) dokaz o izvršenoj uplati ili unošenju udjela, odnosno sredstava osnivača u skladu sa osnivačkim aktom;
- 4) odluka o imenovanju direktora;
- 5) ovjeren potpis lica ovlaštenog za zastupanje.“

Član 15.

U članu 36. stav 1. iza riječi: „kapitala i “dodaju se riječi: „notarski obrađene“.

Član 16.

U članu 38. stav 3., članu 39. st. 4. i 6, članu 40. stav 1. i članu 41. stav 1. riječi: "notarski obrađen" brišu se.

Član 17.

U članu 39. iza stava 6. dodaje se novi stav 7. koji glasi:

„(7) Ukoliko se promjene iz ovog člana vrše izmjenama osnivačkog akta, uz prijavu za upis promjena u registar, prilaže se notarski obrađena izmjena i/ili dopuna osnivačkog akta.“

Amandman XII

U članu 30., članu 31. stavu 1. tačka 1., članu 36. stavu 1., članu 38. stavu 1., članu 39. stavu 7. umjesto riječi „notarski obrađen“ stavljaju se riječi „notarski ovjeren.“

Obrazloženje

Razlozi za ovakav stav sadržani su u obrazloženju Amandmana IV.

Primjedba na član 13. predloženih Izmjena i dopuna Zakona

Član 13.

Iza člana 32. dodaje se novi član 32a. koji glasi:

„Član 32a.

Isprave potrebne za upis u sudski registar osnivanja podružnice stranog društva

Uz prijavu za upis u registar osnivanja podružnice stranog pravnog lica podnose se sljedeće isprave, u originalu i ovjerenom prijevodu na jedan od službenih jezika u Bosni i Hercegovini:

- 1) izvod iz registra u kojemu je upisan osnivač na osnovu kojeg se može utvrditi njegov pravni oblik i vrijeme kada je upisan u taj registar ili, ako je osnovan u zemlji gdje se ne upisuje u takav registar, valjane isprave o osnivanju javno ovjerene po propisima zemlje u kojoj osnivač ima registrovano sjedište, na osnovu kojih se može utvrditi njegov pravni oblik i vrijeme osnivanja;
- 2) odluka osnivača o osnivanju podružnice;
- 3) prijepis izjave o osnivanju i društvenog ugovora ili statuta osnivača, ovjerenih po propisima zemlje u kojoj osnivač ima registrirano sjedište;
- 4) odluka o imenovanju lica ovlaštenog za zastupanje, ako to lice nije imenovano aktom o osnivanju;
- 5) ovjeren potpis lica ovlaštenog za zastupanje i
- 6) ovjeren skraćeni posljednji godišnji finansijski izvještaj osnivača.“

Amandman XIII

U članu 32a. iza tačke 5 briše se “I” I dodaju se nove tačke 7), 8), 9) I 10)

- 7) konsolidovani bilans;
- 8) podatke o svim povezanim licima;
- 9) izjava osnivača da odgovara svom svojom imovinom;
- 10) dokaz da se ne vodi stečaj ili likvidacija i

Dosadašnja tačka 6. postaje tačka 11).

O b r a z l o ž e n j e

Amandman je usmjeren na dobijanje informacija ne samo o osnivaču, nego i o povezanim društvima, materinskim firmama, uključujući i društvo majki, te u cijeloj grupaciji društava. Praksa pokazuje da se povjerioci na tržištu varaju upravo preko povezanih društava uspostavljanjem odnosa na relaciji: osnivač – povezane firme. Radi pravne sigurnosti, bilo bi dobro postići rješenje prema kome osnivač preuzima odgovornost vlastitom imovinom. Takođe je prisutna praksa da firme koje su pred stečajem ili u stečaju ili u postupku likvidacije otvaraju poslovne jedinice preko kojih obavljaju transakcije na tržištu što ugrožava položaj povjerilaca. Da bi se takva praksa

spriječila ili znatno ograničila potrebne su informacije o svim statusno povezanim firmama.

Tako da nakon izmjena član 13. treba da glasi:

Član 13.

Iza člana 32. dodaje se novi član 32a. koji glasi:

„Član 32a.

Isprave potrebne za upis u sudski registar osnivanja podružnice stranog društva

Uz prijavu za upis u registar osnivanja podružnice stranog pravnog lica podnose se sljedeće isprave, u originalu i ovjerenom prijevodu na jedan od službenih jezika u Bosni i Hercegovini:

- 1) izvod iz registra u kojemu je upisan osnivač na osnovu kojeg se može utvrditi njegov pravni oblik i vrijeme kada je upisan u taj registar ili, ako je osnovan u zemlji gdje se ne upisuje u takav registar, valjane isprave o osnivanju javno ovjerene po propisima zemlje u kojoj osnivač ima registrovano sjedište, na osnovu kojih se može utvrditi njegov pravni oblik i vrijeme osnivanja;
- 2) odluka osnivača o osnivanju podružnice;
- 3) prijepis izjave o osnivanju i društvenog ugovora ili statuta osnivača, ovjerenih po propisima zemlje u kojoj osnivač ima registrirano sjedište;
- 4) odluka o imenovanju lica ovlaštenog za zastupanje, ako to lice nije imenovano aktom o osnivanju;
- 5) ovjeren potpis lica ovlaštenog za zastupanje;
- 7) konsolidovani bilans;
- 8) podatke o svim povezanim licima;
- 9) izjava osnivača da odgovara svom svojom imovinom;
- 10) dokaz da se ne vodi stečaj ili likvidacija i
- 11) ovjeren skraćeni posljednji godišnji finansijski izvještaj osnivača.“

Primjedbe na član 54. Osnovnog teksta Zakona:

Član 54.

Ispitivanje prijave

(1) Nadležni registarski sud će bez odlaganja, a najkasnije u roku od tri dana od dana prijema prijave, provjeriti da li su uz prijavu za registraciju predate potrebne registarske isprave, te da li su te isprave

<http://www.advokat-prnjavorac.com>

u skladu sa drugim propisima Federacije kojima je uređeno osnivanje, organizacija i poslovanje pojedinih poslovnih subjekata.

(2) Ako prijava za upis u registar sadrži zahtjev koji ne odgovara zakonom propisanim uvjetima, ili ako isprava koja se prilaže prijavi ne sadrži sve podatke koji se upisuju u registar, ili ako u pogledu sadržaja ne odgovara sadržaju propisanom zakonom, ili ako

nije donesen u postupku propisanom zakonom, sud će pozvati podnosioca prijave i zaključkom naložiti da izvrši neophodne ispravke u roku koji ne može biti duži od 30 dana.

(3) Ako podnosilac prijave ne postupi na način i u roku predviđenom odredbom stava (2) ovog člana, sud će odbiti prijavu za upis u registar.

Amandman XIV

U članu 54. u stavu 2. iza riječi „sud će“ stavljaju se riječi „, u roku od najviše dva (2) dana“ a ostali dio teksta se nas
tavlja.

Obrazloženje

Postupak registracije je hitan (Amandman I) pa sve radnje prije donošenja rješenja treba da traju najdulje pet dana. Tako, ako prijava upisa ima određene manjkavosti koje treba otkloniti sud bi trebao pozvati u roku od dva dana da podnosilac otkloni nedostatke. To bi doprinijelo ubrzanju postupka registracije.

Tako da član 54 nakon izmjena treba da glasi:

Član 54. Ispitivanje prijave

(1) Nadležni registarski sud će bez odlaganja, a najkasnije u roku od tri dana od dana prijema prijave, provjeriti da li su uz prijavu za registraciju predate potrebne registarske isprave, te da li su te isprave u skladu sa drugim propisima Federacije kojima je uređeno osnivanje, organizacija i poslovanje pojedinih poslovnih subjekata.

(2) Ako prijava za upis u registar sadrži zahtjev koji ne odgovara zakonom propisanim uvjetima, ili ako isprava koja se prilaže prijavi ne sadrži sve podatke koji se upisuju u registar, ili ako u pogledu sadržaja ne odgovara sadržaju propisanom zakonom, ili ako nije donesen u postupku propisanom zakonom, sud će u roku od najviše dva (2) dana pozvati podnosioca prijave i zaključkom naložiti da izvrši neophodne ispravke u roku koji ne može biti duži od 30 dana.

(3) Ako podnosilac prijave ne postupi na način i u roku predviđenom odredbom stava (2) ovog člana, sud će odbiti prijavu za upis u registar.

Amandman XV

Poslije člana 57. dodaje se novi člana 57 a) koji glasi:

„ Mjerodavani registarski sud je dužan donijeti rješenje o zahtjevu za upis u registar najkasnije u roku od 5 (pet) dana od dana prijema prijave, odnosno najkasnije 10 dana ako se održava ročište.“

Obrazloženje

Sprovođenje načela o hitnosti postupka.

Tako da nakon izmjena poslije člana 57 dodaje se član 57 a) koji trebada glasi:

„ Mjerodavani registarski sud je dužan donijeti rješenje o zahtjevu za upis u registar najkasnije u roku od 5 (pet) dana od dana prijema prijave, odnosno najkasnije 10 dana ako se održava ročište.“

Primjedbe na član 63. osnovnog Zakona:

Član 63. Žalba

- (1) Protiv rješenja o upisu u Registar zainteresirano lice može podnijeti žalbu u roku od osam dana od dana prijema rješenja.
- (2) Pravo na žalbu ima subjekt upisa kao i lice koje za to ima pravni interes.
- (3) Lice koje smatra da su mu rješenjem o upisu povrijeđena prava i na zakonu zasnovani interesi, a nije mu dostavljen prijepis rješenja, žalbu može podnijeti u roku od 15 dana od dana saznanja za upis a najkasnije u roku od 60 dana od dana objavljivanja upisa.
- (4) Protiv zaključka žalba nije dopuštena.

Amandman XVI

U članu 63. u stavu 3. riječi „od 15 dana od dana saznanja za upis a najkasnije u roku od 60 dana od dana objavljivanja upisa.“ se zamjenjuju sa riječima „od 8 dana od objavljivanja upisa u službenim novimama“.

Obrazloženje

Poštivanje načela hitnosti postupka. Momenat saznanja je rastegljiv i teško dokazljiv. Zato treba rok vezati za lako dokazljivu činjenicu, tj. momenat objavljivanja i u kraćem roku (8 dana).

Tako da član 63. nakon izmjena treba da glasi:

Član 63. Žalba

- (1) Protiv rješenja o upisu u Registar zainteresirano lice može podnijeti žalbu u roku od osam dana od dana prijema rješenja.

- (2) Pravo na žalbu ima subjekt upisa kao i lice koje za to ima pravni interes.
- (3) Lice koje smatra da su mu rješenjem o upisu povrijeđena prava i na zakonu zasnovani interesi, a nije mu dostavljen prijepis rješenja, žalbu može podnijeti u roku od od 8 dana od objavljivanja upisa u službenim novimama.
- (4) Protiv zaključka žalba nije dopuštena.

Primjedbe na član 65. osnovnog Zakona

Član 65. Odluke drugostepenog suda po žalbi

Rješavajući po žalbi drugostepeni sud će:

- 1) odbaciti žalbu kao neblagovremenu, nepotpunu i nedozvoljenu ako to nije učinio registarski sud;
- 2) odbiti žalbu kao neosnovanu i potvrditi rješenje registarskog suda;
- 3) uvažiti žalbu i rješenje registarskog suda ukinuti a predmet vratiti na ponovni postupak; ili
- 4) preinačiti rješenje registarskog suda.

Amandman XVII

U članu 65. dodaje se novi stav 2. koji glasi:

„Rješenje po žalbi drugostepeni sud je duža donijeti u roku od 15 dana od dana prijema spisa predmeta od prvostepenog suda.“

Obrazloženje

I za drugostepeni sud važi princip hitnosti postupka. Amandman ima za cilj da drugostepeni sud veže za rok (15 dana) za donošenje drugostepenog rješenja.

Tako da član 65. nakon izmjena glasi:

Član 65. Odluke drugostepenog suda po žalbi

- (1) Rješavajući po žalbi drugostepeni sud će:

- 1) odbaciti žalbu kao neblagovremenu, nepotpunu i nedozvoljenu ako to nije učinio registarski sud;
- 2) odbiti žalbu kao neosnovanu i potvrditi rješenje registarskog suda;
- 3) uvažiti žalbu i rješenje registarskog suda ukinuti a predmet vratiti na ponovni postupak; ili
- 4) preinačiti rješenje registarskog suda.

(2) Rješenje po žalbi drugostepeni sud je duža donijeti u roku od 15 dana od dana prijema spisa predmeta od prvostepenog suda

Sarajevo, 07.05.2015. godine

Upravni odbor UP FBiH